

ՄԱՐՈ ԱԼԱԶԱՆ

ԱՐՓԵՆԻԿ ԵՎ ԵՂԻՇԵ ՉԱՐԵՆՑՆԵՐ

(Հատված «Իմ կյանքի ողբերգությունը» հուշերից*)

Առանց Արփիկի Չարենցի մասին գրել հնարավոր չէ. նրանք իմ «Հուշեր»-ում միշտ միասին հանդես կգան: Նրանք իրար հետ կապված էին ընկերական և ընտանեկան ամենաքերմ ու ամուր կապերով: Ոչ մի «հրեշտակ» չէր կարող Չարենցին անջատել Արփիկից: Արփիկը ամեն ինչ էր Չարենցի համար, առանց որի նա իր կյանքը չէր պատկերացնում:

Ինչ պայմաններում և ինչպես եմ ծանոթացել Չարենցի և Արփիկի հետ՝ չեմ հիշում: Գիտեմ, որ դա 1924-25 թվականներին էր:

Չարենցն ինձ վրա արտակարգ տպավորություն չթողեց. նա սովորական հայ էր՝ հայկական մեծ քթով, կարճ ու վտիտ հասակով, գլուխը քիչ թեքած պարանոցին: Աչքի էր ընկնում իր անկանոն քայլվածքով: Նա իր խոսակցին անմիջապես գրավում էր աշխույժ, բովանդակալից, հետաքրքիր խոսակցություններով և իր անսահման տարօրինակություններով: Նա միևնույն հետաքրքրությամբ կխոսեր մի երեխայի, մի խուժանի, մի աղջկա և մի գիտնականի հետ. բոլորի հետ հատուկ մոտեցում ուներ:

Չարենցը շուտ տպավորվող, ազդեցությունների տակ ընկնող, անմիջապես իր սխալը զգացող, շուտ ոգևորվող, հիասթափվող և վերին աստիճանի կասկածամիտ էր: Այսօր մեկի հետ կընկերանար, վաղը կասկածանքով կվերաբերվեր այդ մտերմությանը: Հաճախ էի ես նրանից լսում այս խոսքերը. «Ա՛յ տղա Ալազան, այսինչ մարդը անկեղծ չէ իմ նկատմամբ»:

* * *

Չարենցը մի անգամ ինձ նախատելով ասաց. «Ա՛յ Մարո, դու գրական չորս սերնդի ներկայացուցիչների հետ էլ մոտ, քերմ փոխհարաբերությունների մեջ ես, ինչո՞ւ դնանիկ (*օրագիր* — խմբ.) չես պահում: Դու գիտե՞ս, թե ինչ հետաքրքիր և կարևոր նյութ ունես սերունդներին հանձնելու. ես գիտեմ, որ դու կարող ես գրել, քանի որ դու գրական և քաղաքական հարցերում բավականին պատրաստ ես և վերջապես, որպես կոմերիտական ու պատկո՞մ հասարակական ու քաղաքական արեմայում ես: Բեր մի օրջի (*ընդհանուր* — խմբ.) տետրակ, ես քեզ դնանիկ գրելու ձևը սովորեցնեմ»:

Նա որպես օրինակ գրեց Ալեքսանդր Շիրվանզադեի մասին և ասաց. «Այ այս ձևով էլ կգրես մյուս գրողների մասին, հասկացա՞ր, տե՛ս՝ կստուգեմ»:

*Մ. Ալազանի հուշերը տպագրվում են կրճատումներով և մասնակի խմբագրումով:

* * *

Անցել էին տարիներ: Արփիկը քաղաքում չէր: Եւ, Չարենցին ինձ ու Ալազանին «պահ» տալով, գնացել էր Լենինգրադ՝ քննություններ համծնելու: Չարենցը, եւ ու Ալազանը Արփյան փողոցով զբոսնում էինք: Ճաշի ժամ էր:

- Չարենց, մենակ ես, ո՞ր ես գնում: Գնանք, մեզ մոտ ճաշենք, հանգստանանք ու մի քիչ զրուցենք, - ասաց Ալազանը:

- Գնանք:

Ապա ինձ դառնալով՝ հարցրեց.

- Ի՞նչ ճաշ ունես, Մարո՝

- Տոլմա:

- Կաղամբո՞ւ է, թե՞ խաղողի թփով:

- Քո սիրածն է՝ խաղողի տերևով, սխտորով ու մածոնով:

- Իսկ «ամյուծի կաթ» պի՞վա (*զարեջուր* – խմբ.) էլ ունե՞ս:

- Ունեմ:

- Մալադենց Մարո, դե գնանք:

Ճաշկերույթը սկսվեց: Մի երկու բաժակ «ամյուծի կաթ» խմելուց հետո Չարենցն ասաց.

- Մարո՛ ջան, մի դնենիկդ բեր, տեսնեմ՝ ինչպես ես գրում:

- Հիմա, Չարենց ջան, ճաշենք, սեղանը հավաքեմ, հետո կբերեմ, լա՞վ:

Ես դիտմամբ ճաշը ձգձգեցի, որ մա մի քանի բաժակ էլ խմեր և դնենիկի մասին մոռանար. ուղղակի ամաչում էի այդպիսի վարպետ գրողին ցույց տալ իմ անփորձ գրչի թոթովանքները: Սակայն ճաշից հետո օրագրի մասին Չարենցը նորից հիշեցրեց: Ես, կարմրած, դողդողացող ձեռքերով օրագիրս նրան հանձնեցի: Ալեքսանդր Շիրվանզադեի մասին գրածներս կարդալուց հետո կարդաց իր մասին գրածներս և շեշտակի վիզը ծռելով՝ ասաց.

- Է՛, Մարո՛ ջան, գրածդ ինձ դուր չեկավ: Իմ մասին գրել ես քաղաքականությանն ու մոդային տուրք տալով: Ա՛յ աղջի, Չարենցին պետք է ներկայացնել իր դրական ու բացասական բոլոր կողմերով ու խենթություններով: Լավ է, որ քիթս էլ չես փոքրացրել, բոյս էլ Ալազանի բոյին հասցրել: Չեղավ, չեղավ: Ա՛յ աղջի, դնենիկ գրելիս պետք է լինես անկեղծ, պետք է գրես այնպես, ինչպես գրողին գիտես, ոչ ավելացնել, ոչ պակասացնել, պետք է գրես նրա կենդանի խոսքերը և ասածները, հասկացա՞ր:

- Բայց մի՞թե կարելի է քո բոլոր ասած խոսքերը գրել, չէ՞ որ դու այնպիսի անցեմզուր խոսքեր ես ասում, որ լսել անգամ չի կարելի, էլ ո՞ր մնաց գրելը:

- Իմեննո (*հատկապես* – խմբ.) այդպիսի բաները պիտի գրես: Հենց դա էլ կլինի լավագույն դնենիկը: Դե ա՛ռ ու շարունակիր, մյուս անգամ նորից կստուգեմ:

Այո՛, սիրելի՛ Չարենց, ցավոք «դնենիկա» սերունդներին չհասավ, այն զոհ գնաց անձի պաշտամունքին, բայց «Հուշերս» գրեցի քո ցուցումներով: Թե ինչպես այն կանցնի ցեմզուրայով (*քննադատությամբ* – խմբ.), չգիտեմ: Իսկ եթե չընդունվի սերունդների կողմից, դու ես մեղավոր:

* * *

Չարենցը բանավեճերում և գրական հավաքություններում խոսում էր մաքուր գրական լեզվով: Հաճախ էլ, այս կամ այն գրողին նկատողություն անելով, ասում էր. «Այ տղա, հայ գրող ես, գրիր և խոսիր մաքուր հայերենով»:

Բայց ինքը ընկերական շրջանում խոսակցության մեջ հաճախ էր ռուսերեն բառեր գործածում:

* * *

1920-ական թվականներին գրականության մեջ իշխում էր պատվերով գրելու միտում: Ըստ այդ պատվերի՝ գրողը պետք է գրեր արդյունաբերական, կոլ-խոզային կյանքից և օրվա հրատապ հարցերից: Ծաղիկ, աղջիկ, սեր, բնության գեղեցկությունները դուրս էին շարտված գրականությունից: Այդ թեմաների մասին գրողը համարվում էր մանր բուրժուական և քաղքենիական գրող (որպես այդպիսին բանավեճերում և ընկերական շրջաններում հաճախ էր հիշվում Մահարու անունը): Չարենցին էլ դուր չէր գալիս պատվերով գրելու գաղափարը, և նա հաճախ էր բորբոքված ասում. «Այ տղա, ես հո սապոժնիկ (*կոշկակար* - խմբ.) չեմ, որ պատվեր ընդունեմ: Գրողը պետք է իր ստեղծագործություններում ազատ և անկաշկանդ լինի. ի՞նչ է նշանակում տրակտոր, արոր, գործարան ու բանվոր երգիր: Եթե նրանք իմ նյութի հետ առնչվում են, առանց պատվերի էլ, ինքն իրեն կգրվի»:

* * *

Բերիայի մասին նա հաճախ ասում էր. «Այ տղա, այդ վրացական կինտոն, Սուխումի պարիկմախերը (*վարսավիր* - խմբ.) ո՞ր արժանիքներով, ի՞նչ ճանապարհով Ձակրայկոմի գլուխն անցավ՝ չհասկացա»:

* * *

Արփենիկ Չարենցը սիրումատես, սպիտակադեմ, շագանակագույն մազերով, ուղիղ դիմագծերով, զարգացած, բովանդակալից, ծով համբերության և մեծ կամքի տեր կին էր: Չարենցին սիրում էր, մանկան պես գուրգուրում ու հոգ էր տանում: Երբեմն բարկանում, խրատում, նորից սիրում, գուրգուրում և այդ ձևով դաստիարակում ու սանձահարում էր Չարենցի խենթությունները: Արփիկն իր բարձր հասակով Չարենցի նկատմամբ նույնն էր, ինչպես Ալազանն իմ նկատմամբ: Չարենցի գլուխը հագիվ էր հասնում Արփիկի թևատակին, և դա հաճախ նպաստում էր Չարենցին «դաստիարակելու» գործին:

Արփիկը շատ կիրթ կին էր: Իր խոսքերում չափված ու ձևված էր: Նա հաճախ էր Չարենցին նախատում. «Ինչո՞ւ ես այդպես շուտ բռնկվում, քեզ կորցնում, անչափ-անձև խոսում և հետո էլ զղջում ես: Հազար անգամ ասել եմ Եղիշ, մի բռնկվիր, սա՞նձ դաստի, հետո խոսիր»:

Չարենցը հաճախ այս կամ այն հիմնարկի հետ գործ բռնելիս Արփիկին էր ուղարկում և ասում. «Արփիկ ջան, դու գնա: Եթե ես գնամ, կբռնկվեմ և գործը կփչացնեմ»:

Երբ Զարենցը «խեմբություններ» էր անում, Արփիկը նրա գլուխը սեղմում էր ք-
լատակին և «կարկուտ ու որոտ» քափում նրա գլխին: Կարճ ժամանակ անց հան-
դարտվում էր, նրա ամծրտոտ հոգում արևը ծիածան էր կապում ու սկսում էր Զա-
րենցին խրատել ու խրատել, իսկ Զարենցը փաթաթվում էր նրան, համբուրում նրա
ծնոքները և մեղքերի համար թողություն խնդրում: Այս ամենը տևում էր 10-15 րոպե:

Մի օր Ազկիթի բակի սրճարան գնալիս մեզ դեմ ու դեմ դուրս եկավ մի շատ
գեղեցիկ կին: Զարենցը, ծուռ վիզն ավելի ծռելով, նրան մի լավ վեր ու վար նա-
յելուց հետո բարձրաձայն ասաց. «Յետաքրքիր է՝ ո՞ւմ է պատկանում այս հրեշ-
տակը, երանի սրա տիրոջը»: Բոլորս ծիծաղեցինք, կինը նույնպես շրջվեց ու ծի-
ծաղեց: Արփիկն անմիջապես, սովորության համաձայն, նրա գլուխը սեղմեց իր
թևատակին. «Թող, Արփիկ ջան, թող, թեկուզ երկնային հրեշտակ էլ անցնի, էլ
չեմ խոսի, անզուսպ եմ, անզուսպ: Ինձ ների՛ր, սիրելի՛ս, ների՛ր»:

Մի այլ անգամ Արփյան փողոցում բավականին զրոսնելուց հետո Զարենցն
ասաց. «Ա՛յ տղերք (չնայած երկու տղամարդ և կին էինք, բայց նա, անկախ սե-
ռից, բոլորին «ա՛յ տղերք» էր ասում) գնանք մեզ մոտ: Ալազան, քեզ մի լավ կոն-
յակ, իսկ Մարոյին մի լավ դուքմա կիյուրասիրեմ և ձեզ մի փաստաթուղթ ցույց
կտամ, որ վավերացնեք»: Գնացինք:

- Արփիկ, ցույց տուր այն թուղթը, որ ես տվել եմ քեզ:

Արփիկը սեղանի դարակից մի թուղթ հանեց և մեկնեց Ալազանին: Ալազանը
բարձրաձայն կարդաց. «Արփիկին: Ես՝ Եղիշե Զարենցս՝ որպես անկազմակերպ,
անկարգ մի մարդ, իմ դաստիարակությունը համծնում եմ Արփենիկ Զարենցին:
Նա իրավունք ունի ինձ պատժել, ծեծել, անգամ տանից դուրս հանել: Եղիշե
Զարենց»:

Մենք բարձրաձայն ծիծաղեցինք, իսկ նա, գլուխը զույգ ձեռքերով բռնած, աս-
աց. «Վա՛յ քեզ, հա՛յ գրող, թե ինչպիսի ծեծ պիտի ուտես, չգիտեմ»:

* * *

Մի օր Զարենցն Ալազանին ասաց. «Ա՛յ տղա, դու Մարոյին սիրուի՞ս պես ես
սիրում: Ես էլ եմ Արփիկին սիրում, բայց դու խելագարի պես ես սիրում: Ես իմ
կյանքում այդպիսի սեր չեմ տեսել: Ա՛յ տղա, մտքովս մի բան է անցնում. չլինի,
թե Մարոն գրում, դու տպում ես, թե չէ ինչո՞վ բացատրել քո խելագար սերը»: Նրա
խոսքերի վրա մենք մի լավ ծիծաղեցինք: Ապա նրա հոգու հետ խաղալու
համար ես ասացի.

- Իսկ դու, Արփիկին սիրելով հանդերձ, ոչ մի կնոջ աչքիցդ բաց չես թողնում:
Բա անհարմար չի՞:

- Ուրիշի կինը, Մարո՛ ջան, այս կոնյակի բաժակը տեսնո՞ւմ ես, այսպես
խմում ու դեմ ես գցում, - և կոնյակի դատարկ բաժակը շարտեց հատակին: - Ա՛յ
տղա Ալազան, եթե ես քո և Ազատ Վշտունու վիղն (տեսք - խմբ.) ունենայի,
երևանի բոլոր աղջիկներն ու կանայք իմ հետևից կվազեին:

- Առանց այդ վիղի էլ բոլոր կանայք գժված փողոցներն են ընկել քեզ հա-
մար,- կատակեցի ես:

- Ո՞ւր էր, Մարո՞ ջան, ո՞ւր, երանի քո ասածի մեկ տոկոսը իրականություն լիներ, էլ ես ինչ դարդ կունենայի, - ասաց Չարենցը սրտի մորմոքով:

* * *

Արփիկն այդ ժամանակ սովորում էր Լեւինգրադում, գնացել էր քննություններ հանձնելու: Արփիկի գնալուց մեկ շաբաթ անց՝ մի առավոտ, մեր տուն եկավ Վաղարշակ Նորենցը և հուզված տոնով ասաց.

- Գիտե՞ք ինչ խայտառակություն է եղել: Չարենցին բանտարկել են: Նա երեկ բռնվարում մի աղջկա վրա կրակել է: Գնդակը ծակել է աղջկա կոնքի փափուկ մասը, նրան տեղափոխել են հիվանդանոց, ասում են՝ վերքը վտանգավոր է, բայց մահացու չէ:

- Այս ինչ խայտառակություն է, - ասաց Ալազանը, հագնվեց ու Կենտկոմ գնաց, որպեսզի մի լուր իմանա:

Մի ժամից Ալազանը վերադարձավ: Նա Արփիկին հեռագրել էր, որ գա: Մի քանի օրից՝ առավոտյան ժամը յոթին, մեր տան դուռը ծեծեցին: Դուռը բացելով՝ հանդիպեցի Արփիկի հուսահատ դեմքին և արտասովոր աչքերին: Նա Ալազանին դիմելով ասաց.

- Ի՞նչ անենք, Ալազա՞ն ջան, ինչպե՞ս փրկենք Եղիշին, մա բանտում կխեղափարվի, բանտի ռեժիմին չի դիմանա:

- Նախ՝ զմանք, տեսակցություն խնդրենք, - ասաց Ալազանը, - տեսնենք՝ բանն ինչու՞մ է, ի՞նչ կասի ինքը, ապա ես կգնամ Կենտկոմ և ընկեր Աշոտ Չովհաննիսյանի հետ կխոսեմ (Աշոտ Գարեգինի Չովհաննիսյանը Չայաստանի Կոմունիստական կուսակցության կենտկոմի քարտուղարն էր, իսկ Ալազանը՝ Չայաստանի գրողների միության պատասխանատու քարտուղարը):

Երեքովս վեր կացանք և գնացինք Երևանի կենտրոնական բանտ, որն այն ժամանակ գտնվում էր Երևանի ծայրամասում և կոչվում էր Ուղղիչ տուն: Ներս մտանք բանտի գրասենյակ: Ես և Արփիկը կանգնեցինք միջանցքում, իսկ Ալազանը մտավ բանտապետի մոտ: Քիչ հետո, տեսակցության թույլտվության գրությունը ձեռքին, դուրս եկավ բանտապետի մոտից: Մեզ տարան ընդարձակ մի սենյակ: Չսկիչի հսկողությամբ, կծկված, անկանոն քայլվածքով, գլուխը կախ մեզ մոտեցավ Չարենցը: Առանց մի խոսք ասելու՝ ամբողջ հասակով փռվեց Արփիկի ոտքերի առաջ, ապա կոշիկներից մեկը հանելով՝ սկսեց խփել իր գլխին. «Արփիկ՝ ջան, պիտի ջարդեմ այս հիմար գլուխս, ես քեզ վիրավորել, անպատվել ու խայտառակել եմ, իսկ դու եկել ես ինձ տեսակցության»: Ապա գետնից բարձրանալով՝ փաթաթվեց Արփիկին և ամբողջ տեսակցության ժամանակ լաց եղավ: Լաց էինք լինում մաև մենք:

- Թող, թող, Եղի՜շ ջան, դրա ժամանակը չէ. պետք է մտածել քեզ ազատելու մասին, - ասաց Արփիկը:

- Ինչո՞ւ զնացիր, մի՞թե չգիտեիր, որ քո բացակայության ժամանակ ես սանձերս բաց կթողնեի. ահա տես՝ ինչ վիճակի արժանացա:

- Տեսակցության ժամը վերջացավ, - ասաց հսկիչը՝ Չարենցի թևը քաշելով:

ես ու Արփիկը արտասովոր աչքերով ուղեկցում էինք Չարենցին: Ալազանը, մեզ թևանցուկ անելով, ասաց.

- զմանք, զմանք, աղջիկներ, լացով Չարենցին փրկել չենք կարող, զմանք, Աշոտ Յովհաննիսյանին խնդրենք, գուցե մի բան անի:

Զնայած Ալազանը զմաց Կենտկոմ, բայց Չարենցին բանտից ազատել չկարողացավ: Աղջկա հայրը պատիվ էր պահանջում և Չարենցին դատի տվեց: Փակ դատական միստում Չարենցին դատեցին: Դատապաշտպանը Գրիգոր Չուբարյանն էր՝ շատ հմուտ, խելացի, ճարտարախոս, արդարամիտ, ճանաչված ու սիրված մի մարդ: Պետական մեղադրողը աղջկա հայրն էր իր իսկ ցանկությամբ:

Պետական մեղադրողը Այվազյանը, իր վերջին խոսքում դատարանից խնդրեց, որ Չարենցին ավելի խիստ պատիժ տան: Դատարանը Չարենցին տվեց երեք տարվա ազատազրկում՝ ուղղիչ տան պայմաններում:

Չարենցը դեռ բանտում էր, երբ Արփիկը շատ ծանր հիվանդացավ: Նրան տեղափոխեցին հիվանդանոց: Պարզվեց, որ մա ունեցել էր արտարգանդային հղիություն: Կատարվեց ուշացած վիրահատություն, և վրա հասավ անժամանակ մահը: Արփիկի մահվան կապակցությամբ Չարենցին ժամանակավորապես ազատեցին կալանքից: Չարենցը ողբերգական ծանր օրեր ապրեց. մի կողմից՝ բանտարկությունը, մյուս կողմից՝ սիրելի կնոջ կորուստը նրան ուղղակի խելագարության էին հասցրել: Հնորիվ ընկերների հոգատարության և մշտական հսկողության՝ Չարենցն ազատվեց վերահաս վտանգից և ամեն տեսակ փորձանքներից:

* * *

Տարիներ էին անցել: Մի օր Ալեքսանդր Շիրվանզադեն, Ալազանն ու ես «Ինտուրիստ» ճաշարանում ճաշում էինք: Ներս մտավ Չարենցը մի չքնաղ, սպիտակադեմ, սև ու գեղեցիկ աչք-ուներով, սլացիկ կազմվածքով, բարի և ազնիվ դեմքով մի աղջկա հետ, և նստեցին մեր սեղանի մոտ:

- Ծանոթացե՛ք կյանքիս ընկերուհու՝ Իզաբելայի հետ, - ասաց Չարենցը շատ բարձր տրամադրությամբ:

Ալազանը տեղից վեր կացավ, բոլորիս գինու բաժակները լցրեց երևանյան քաղցր գինով, ապա բաժակ բարձրացնելով՝ առաջարկեց խմել Չարենցի և Իզաբելայի կենացը: Բոլորս շնորհավորեցինք նորապսակներին: Չարենցն իր երկար շնորհակալական խոսքի վերջում ինձ ասաց.

- Մարո՛ ջան, ինչպես ես ու Ալազանը, ցանկանում եմ նույն մտերմական հարաբերությունների մեջ լինեք նաև դու և Իզաբելան: Իզաբելան երիտասարդ է, անփորձ (երիտասարդ ասելով մա իր հետ էր համեմատում, մենք Իզաբելայի հետ հասակակիցներ էինք) թե տնտեսության և թե բոլոր բնագավառներում: Այնպես որ դու բոլոր հարցերում պետք է նրան օգնես: Նա հայերեն գրել ու կարդալ չգիտի, կիսատ-պռատ խոսում է Շամախու բարբառով:

Առյուծային հպարտ գլուխը բարձրացնելով, հաստ ակնոցը ուղղելով, Իզաբելային ու Չարենցին նայելով, ինձ ու Ալազանին ժպտալով՝ Ալեքսանդր Շիրվանզադեն ասաց.

- Չարենց ջան, այն փաստը, որ Իզաբելան իմ հայրենակիցն է, ուրեմն ընտանիքի լավ մայր կլինի: Չեր կենացը, ցանկանում եմ ձեր հայկական նորավառ օջախն անմար մնա:

* * *

Իզաբելայի դեմքից կարդացվում էր նրա հոգու անաղարտությունը, բարի, հեզ ու համեստ բնավորությունը, բայց նկատեցի նաև, որ Իզաբելան իր մտավոր պաշարով չէր կարող բավարարել Չարենցի ծով պահանջները, չէր կարող Չարենցին օգնական ու դաստիարակ լինել:

Մինչև Չարենցը, Ալազանը ու Շիրվանզադեն խոսում էին իրենց գրական առօրյայից, ես էլ սկսեցի Իզաբելայի հետ ծանոթանալ և հարցրեցի, թե ինչպես, որտեղ, ինչ պայմաններում է հանդիպել Չարենցին, ինչպես ծանոթացել նրա հետ: Նա պատմեց հետևյալը. «Ես փոքր հասակից տեղափոխվել եմ Մոսկվա և ապրել եմ մորաքրոջս մոտ: Նոր էի ավարտել ռուսական դպրոցի յոթերորդ դասարանը, եկա Հայաստան ծնողներին տեսության:

Մի օր ես ու պապաս Արմյան փողոցով զբոսնում էինք: Հանդիպեցինք Չարենցին: Նա մեզ բարևեց. պապայիս հին ծանոթներից էր: Ես տպագրական հին բանվոր Ավետիս Կողաբաշովի աղջիկն եմ: Բարևելուց հետո նա սկսեց մեզ հետ զբոսնել, պապաս ինձ ծանոթացրեց նրա հետ.

- Չարենց, ծանոթացիր, աղջիկս է, նոր է եկել Մոսկվայից, հայերեն լավ չգիտի:

- Շատ ուրախ եմ, - ասաց Չարենցը՝ ձեռքն ինձ մեկնելով և մի լավ նայելով, և հանկարծ պապայիս դառնալով՝ ասաց.

- Ինչ չքնաղ աղջիկ ունես, Կողաբաշով:

Ու մեզանից էլ պոկ չեկավ: Եկավ մեր տուն, ծանոթացավ մեր ընտանիքի անդամների հետ: Մի օր էլ, վարդերի մի մեծ փունջ ձեռքին, եկավ, վարդերն ինձ տվեց և պապայիս դիմելով ասաց.

- Ընկեր Կողաբաշյան, Իզաբելան ինձ շատ է դուր գալիս, ես ուզում եմ, որ նա դառնա իմ կյանքի ընկերուհին: Խնդրում եմ, որ տաք ձեր համաձայնությունը:

Բավականին խոսելուց հետո Չարենցը գնաց: Հայրս ինձ մանրամասն պատմեց Չարենցի մասին և խորհուրդ տվեց նրա հետ ամուսնանալ: Ես հորս չմերժեցի և տվեցի իմ համաձայնությունը:

- Ահա այսպես եմ հանդիպել Չարենցին, - ասագ Իզաբելան շատ բարձր տրամադրությամբ:»

* * *

Անցան ամիսներ: Ծնվեց Չարենցի անդրամիկ դուստրը, որին նա իր առաջին կնոջ՝ Արփիկի անունով մկրտեց:

* * *

Իզաբելան իր հեզ ու ազնիվ բնավորությամբ, մարդկային առաքինի գծերով ինձ շատ դուր եկավ. մենք մտերմացանք և շատ սիրեցինք իրար: Ես նրան բո-

լոր հարցերում օգնում ու խորհուրդներ էի տալիս:

Մի օր Չարենցը մեզ մոտ եկավ՝ Ալազանի հետ Կուսկոմիտե գնալու: Մենք ճաշում էինք: Ես նրան ճաշի հրավիրեցի: Մի քանի բաժակ խմելուց հետո սկսեց անկեղծանալ:

- Այ տղա Ալազան, Մարոն հասարակական կյանք մտած աղջիկ է, և դա շատ լավ է: Ու քեզ հետ էլ միասին հասարակական կյանքում կկոփվի: Ուրեմն դուք կարող եք մտաել, իրար հետ գրական, քաղաքական այս կամ այն հարցի շուրջ խոսել, վիճել ու հանգստանալ: Ցավոք պիտի ասեմ, որ Իզաբելան այդպիսին չէ, և դա ինձ շատ է տխրեցնում: Այ տղա, որքան դժվար է կյանքի ընկեր գտնել: Ես քառասուն տարեկան եմ դարձել, բայց այդ բանը դեռ չեմ հասկացել, կնոջ մեջ միայն գեղեցկությունն եմ հաշվի առել: Կյանքի ընկերուհու ընտրության հարցում ես նորից ու նորից եմ սխալվել:

- Ի՞նչ, նորից միտքդ փոխե՞լ ես:

- Ո՛չ, Մարո՛ ջան, միտքս չեմ փոխել, բայց այս հարցում դու ինձ օգնության պիտի գաս: Դու գիտես, որ Իզաբելան հայերեն գրել-կարդալ չգիտի: Նրան գրագիտական դպրոց ուղարկելը պատիվ չի բերի Չարենցին: Արի այսպես անենք: Դու փորձված ուսուցչուհի ես, կամաց-կամաց վերացրու Իզաբելայի անգրագիտությունը: Թե չէ հայ գրողի համար հայերեն չիմացող կին ունենալը ամոթ ու խայտառակություն է:

Ապա Ալազանին դառնալով ասաց.

- Այ տղա, երբեմն հոգնած եմ լինում ու չեմ ուզում տեղիցս վեր կենալ մի գիրք վերցնելու, կարդալու: Դիմում եմ Իզաբելային ու ասում. «Ինձ տո՛ր սև կազմով, դեղին գծով, ոսկե տառերով գրված այ այն գիրքը: Դու պրիստավլայե՞շ (*պատկերացնում ես - խմբ.*) սա ինչ խայտառակություն է հայ գրողի համար:

Ես մեծահասակների դպրոցից մի այբբենարան վերցրեցի և սկսեցի Իզաբելայի հետ պարապել: Հինգ ամսից հետո հասանք «Տ» տառին: Իզաբելան օրվա դասն էր կարդում, երբ ներս մտան Ալազանն ու քննադատ Վանանդեցին: Չարենցը նրանց ընդունելուց հետո մտավ այն սենյակը, որտեղ մենք էինք պարապում: Դասն ընդհատեց, մեզ թևանցուկ անելով՝ տարավ իր սենյակ: Ալազանին, Վանանդեցուն մատցեցրեց մի շարքում, իսկ Իզաբելային մատցեցրեց գետնին փռված գորգին, այբբենարանը տվեց նրան և ինձ դառնալով՝ ասաց.

- Մարո՛ ջան, շարունակիր դասդ:

- Իզաբելա՛, դասդ կարդա՛, - ասացի ես ժպտալով:

Իզաբելան կարդաց. «Տրակտո՛ր, վարի՛ր, վարի՛ր, տրակտո՛ր, գարի ցանի՛ր» տեսքով: Բոլորս ժպտալով լուռ լսում էինք: Չարենցը, դասն ընդհատելով, քննադատիկ մայեց բոլորիս, գլուխն առավ զույգ ձեռքերի մեջ և ասաց. «Վա՛յ քեզ, հա՛յ գրող. տրակտո՛ր, ի՞նչ կնկա գլխի մեջ գարի ցանի՛ր»:

Մեր ուսումնական տարին ավարտվեց: Իզաբելան արդեն սահուն կարդում էր: Մի անգամ, երբ Չարենցի մոտ թեյում էինք, նա կանչեց Իզաբելային.

- Իզաբելա՛, գնա՛, ի՞նչ կաթինետի առաջին պահարանի երկրորդ դարակից բեր թումանյանի հատորներից մեկը:

Իզաբելան գնաց, հինգ թույն չանցած եկավ Թումանյանի գրքերից մեկը ծեռքին: Չարենցն ուրախացած վեր թռավ տեղից, համբուրեց նախ՝ Իզաբելան, ապա՝ ինձ:

* * *

Արփիկից երկու տարի հետո ծնվեց Անահիտը, որը նման էր Չարենցին: Նա այդ կապակցությամբ խորը վիշտ էր ապրում և հաճախ էր կրկնում. «Այ տղերք, դուք արիստավյայեք (պատկերացնում եք -խմբ.) աղջիկը Չարենցի տեսքով, քթով ու բոյով: Լավ է Արփիկը դեմքով մորն է նման, տա աստված, որ խելքով էլ ինձ նմանվի, իսկ Աղոկը (այդպես էր կոչում նրան) դեմքով ինձ է նման, վայթե խելքով էլ մորը նմանվի: Այդ ժամանակ ես կխելագարվեմ»:

* * *

Ամեն անգամ Չարենցը թաշկինակի փոխարեն մի մեծ ու սպիտակ շոր էր հանում գրպանից:

- Ի՞նչ փոքր է թաշկինակդ, ի՞նչ է, թաշկինակ չունե՞ս:

- Մարո՛ ջան, ինչ Բոժիկս ծնվեց (Արփիկին Բոժիկ էր կանչում) ես հրաժարվեցի թաշկինակից, սա Բոժիկիս բարուրի շորն է, գրպանս եմ դնում, որ միշտ նրա անուշ ու հաճելի բույրը զգամ:

Անցան ամիսներ: Մի օր էլ Չարենցը մի մեծ ու վարդագույն շոր հանեց գրպանից՝ քրտինքը սրբելու համար:

- Արփիկն արդեն մեծացել է, եղ ո՞ւմ բարուրի շորն է, - հարցրեցի ես ծիծաղելով:

- Գիտես ինչ, Մարո՛ ջան, ես տեսնում եմ, որ Աղոկի քիթը գնալով փոքրանում է, խելքով էլ ինձ է նմանվում: Հիմա ես նրան անչափ սիրում եմ, - ասաց Չարենցը ժպտալով:

* * *

Չարենցը շատ էր սիրում մեծ գրողներին նմանվել. քանի որ Դոստոևսկին ընկերներին հյուրասիրելու համար մրգով և դաստախոն էր պահել, ուրեմն Չարենցն էլ պետք է պահեր: Որովհետև Գանդին շատ Բուդդաներ էր դրել իր սեղանին, ուրեմն Չարենցի սեղանին էլ պետք է դրվեր մեծ ու փոքր չափերի Բուդդայի արձանիկներ: Որովհետև չին գրողները հազնում էին իրենց ազգային խալաթները և զուխներին դնում թասակներ, ուրեմն ինքն էլ պետք է այդպես հագնվեր: Որովհետև Գանդին ծալապատիկ նստում էր գետնին փռված գորգին և ծնկների վրա դրված դավթարում էր գրում, ուրեմն Չարենցն էլ պետք է, իր սեղանն ու աթոռը թողած, ծալապատիկ նստեր գետնին փռած գորգին և իր ծնկներին դրված դավթարում գրեր:

* * *

Մի օր՝ գիշերվա ուշ ժամի, Հայաստանի Կոմկուսի կենտրոնի քարտուղար Աղասի Խանջյանը Ալազանին շտապ իր մոտ կանչեց։ Մի ժամից նա տուն վերադարձավ և պատմեց հետևյալը. «Փարիզում վախճանվել է մեր պայծառ Կոմիտասը։ Նրան խնամող հանձնաժողովը դիմել է ընկեր Խանջյանին, որ ընդունի և երևանում թաղի Կոմիտասի դիակը։ Խանջյանն առանց Բերիայի հետ համաձայնեցնելու՝ տալիս է իր համաձայնությունը։ Բերիայի երևանյան գործակալները այդ մասին հաղորդում են Բերիային։ Բերիան հեռախոսով կապվում է Աղասու հետ և ասում.

- Աղասի, լսել եմ, որ Փարիզից ինչ-որ հոգևորական, ինչ-որ պոպ (քահանա - խմբ.) ես բերում երևանում թաղելու համար։ Ես կտրականապես արգելում եմ։ Հեռագրի թող չուղարկեն, մենք հոգևորական թաղելու համար գումարներ չունենք։ Խանջյանն անսահման հուզվել ու վրդովվել է, անհարմար էր զգում, ուստի խնդրեց, որ ես ուղարկեմ հեռագիր, որ Կոմիտասի դին չուղարկեն։ Խեղճ Աղասի, տեսնո՞ւմ ես՝ ինչպիսի պայմաններում է աշխատում այդ պայծառ մարդը»։

Մյուս օրն Ալազանը գնաց Կենտկոմ՝ իմանալու հեռագրի պատասխանի մասին։ Խանջյանը մի հեռագիր է մեկնում Ալազանին, որտեղ գրված է լիմում. «Նա-վը երեք օր է, ինչ դուրս է եկել և գտնվում է Միջերկրական ծովում. ետ դարձնել չենք կարող։ Կոմիտասին խնամող հանձնաժողով»։

Ուրախությունից Ալազանն ու Խանջյանը զրկախառնվում են։

Մի քանի օրից մեր տուն է գալիս Չարենցը.

- Այ տղա Ալազան, մի պազոզնի (*խայտառակ* - խմբ.) բան եմ լսել, բայց ականջներիս չեմ հավատում։

- Դժբախտաբար լսածդ ճիշտ է, բայց բարեբախտաբար հեռագիրը ուշ է տեղ հասել, և Կոմիտասին բերող նավն արդեն լողում է Միջերկրականի ջրերում։ Շուտով Կոմիտասը երևանում կլինի, - Չարենցին հանգստացնելով ասաց Ալազանը։

- Ճիշտ ես ասում, եղ ինչ լավ բան եղավ։ Թող հիմա Բերիայի սիշիկները (*լրտեսներ* - խմբ.) տրաքվեն։ Ինչ-որ հոգևորական։ Մի՞թե Կոմիտասը հայ ժողովրդի համար ինչ-որ հոգևորական է։ Ողորմելիներ, տգետներ, թո՛ւ ձեր երեսին, անամոթներ, և դրանք են մեր երկիրն ու կուլտուրան ղեկավարում։ Վայ քեզ հայ ժողովուրդ... Մարո՞ ջան, մի կոնյակ բեր՝ խմենք Կոմիտասի հաղթանակի և հիշատակի կենացը։

Թեև Չարենցը Կոմիտասի հաղթանակի կենացը խմեց, բայց էլի մնաց նույն խռովահույզը։ Փողոցում ում որ հանդիպում էր, ասում էր. «Ինչ-որ հոգևորական... Վա՛յ, ես քքեմ ձեր տգետ երեսներին»։

* * *

Վերջապես Կոմիտասը հասավ Երևան։ Կազմվեց նրան ընդունող և թաղող հանձնաժողով, որի կազմում էին՝ Գրողների միության կողմից Ալազանը, Լուսավորության ժողկոմատի կողմից՝ Արտո Եղիազարյանը, Ներքին գործերի մի-նիստրության Բերիայի ներկայացուցիչը և այլ մինիստրությունների և կազմա-

կերպությունների ներկայացուցիչներ: Թաղման հանձնաժողովը ցերեկվա ժամը 12-ին պետք է ընդուներ Կոմիտասին: Հանձնաժողովի անդամները, որոնց թվում նաև ես, գնում էինք Կուլտուրայի տուն, որտեղ դրված էր Կոմիտասի դագաղը: Ճանապարհին մեզ միացավ նաև Չարենցը:

Բեմի վրա դրված էր Կոմիտասի գեղեցիկ, խնամքով պատրաստված դագաղը, որի գլխավերևում կար մի փոքրիկ պատուհան, որտեղից երևում էր Կոմիտասի պայծառ դեմքը: Բոլորը լուռ ու տխուր, գլխարկները հանած խոնարհվում էին Կոմիտասի առջև: Հանկարծ Բերիայի ներկայացուցիչը ճամպուրկը բացեց, հանեց լուռ ու կացին, բացեց դագաղի կափարիչը ու սկսեց շոշափել դիակի կողքերն ու գրպանները: Այս երևույթը բոլորին անսահման հուզեց: Չարենցն իրեն զսպել չկարողացավ, ուղղակի գոռալով ասաց. «Մի բան գտա՞ք, անամոթներ, խայտառակներ, մեռելին անգամ հանգիստ չեն թողնում. թո՛ւ ձեր նամուսին»: Չարենցը, համարյա իրեն կորցրած, օրորվելով, ինքն իր հետ խոսելով, դուրս եկավ դահլիճից: Ցուցադրական դուրս եկան նաև հանձնաժողովի անդամները՝ Կոմիտասի մոտ թողնելով միայն Բերիայի ներկայացուցիչին:

* * *

Չարենցը շատ էր հավանում, պատկառանքով ու հարգանքով էր խոսում Աղասի Խանջյանի մասին: Ես հաճախ էի լսում նրա հիացական խոսքերը. «Այ տղա Ալազան, Աղասին մեծ օվկիանոսների մավ է, բայց ափսոս, որ լողում է ծանծաղուտներում»: «Հայ ժողովուրդը շատ մեծություններ է տվել, որոնցից մեկը Աղասին է», «Այ տղա, նա հայ գրականություն ավելի լավ գիտի, քան մենք՝ գրողներս: Իմ կարծիքով, նա թաքնված բանաստեղծ է: Տեսա՞ր, Մեծարենցին բերանացի գիտեր և մեզ էլ ամաչեցրեց»:

* * *

Ալազանի բանտարկության երկրորդ օրը ինձ մոտ եկավ Չարենցը: Փրփրած էր, ինչպես ալեհույզ ծովը. «Այ աղջի, ես ի՞նչ պագռոնի (խայտառակ – խմբ.) բան եղավ, մեր բոլոր տղաներին բանտարկեցին: Պատմիր տեսնեմ ինչ ասացին, ինչ անուն դրեցին այդ ազնիվ կոմունիստին»: Ես արտասվելով մանրամասն պատմեցի բանտարկության զազրելի արարողությունը, թվեցի նաև, թե ինչ գրքեր տարան: «Գրքեր տարան» խոսքը Չարենցի գլխում չտեղավորվեց: Նա ինձ նորից կրկնել տվեց: Ես նորից թվեցի Արուսյան, Րաֆֆի, Նարեկացի, Խորենացի, Մեծարենց... «Այ քեզ նորություն, ուրեմն հայ գրողը այդ գրքերը կարդալու իրավունք չունի»: Սա կատարյալ բարբարոսություն է: Թո՛ւ դրանց երեսին, այ՛ աղջի, հո մենք չուկչան ու չուկտոջ չենք, մենք հին ու մեծ կուլտուրա ունեցող ժողովուրդ ենք: Վա՛յ քեզ, հա՛յ գրող»: Ապա մի փոքր լռությունից հետո, առանց մի խոսք ասելու, սենյակիս դուռն ուժեղ բացեց և նույն ուժգնությամբ էլ փակեց ու գնաց:

* * *

Մի օր Չարենցն իրենց տանն ահա թե ինչ ասաց. «Մարո՛ւ, ես եկել եմ այն եզրակացության, որ մեր տղաներին լավ ծեծել ու ջարդել են, դաժն (նույնիսկ – խմբ.) խմբեցրել ու հարբեցրել են: Անցած օրը այդ կինտո Մուղդուսին ինձ իր մոտ կանչեց ու ցույց տվեց Ալազանի, Ակսելի և Գուրգենի (Վանանդեցի) ստորագրությամբ ու ձեռագրերով մի պազոռնի թուղթ, որտեղ գրված էր. «Մենք ունեցել ենք Չարենց-Բակունց-Ալազան հակահեղափոխական-մացիոնալիստական-տրոցկիստական խմբակ»: Ախր որտեղի՞ց են այդպիսի չեղած խմբակի մասին հնարել: Մարո՛ւ ջան, ես վերջնականապես եկա այն եզրակացության, որ նրանք մեր տղերքի ձեռագրերն ու ստորագրությունները կամ կեղծել են, կամ էլ նրանց իսկապես այնքան են ծեծել ու ջարդել այդպիսի պազոռնի փաստաթուղթ գրել տալու համար: Այս խայտառակությունների մասին ես այլևս լռել չեմ կարող, աշխարհով մեկ կզոռամ և իրենց կխայտառակեմ, թող ինձ էլ բանտարկեն: Այդ կեղծ փաստաթղթերի հեղինակները Մուղդուսին, Ակոպովը և Ամատունին են: Թքեմ այդպիսի ղեկավարների վրա. Աղասու գլուխը կերան, հիմա էլ ուզում են մեր խեղճ տղերքի գլուխն ուտեն: Սատանան կասի՝ դուրս արի պատշգամբ և ժողովրդի առաջ խայտառակիր այդ սրիկաներին, բայց վախենում են՝ ասեն՝ Չարենցը գժվել է, և ձեռքիցս բռնեն ոչ ինձ գժանոց տանեն: Չգիտեմ՝ ում դիմեմ, բոլորն էլ իրար հետ կապված սրիկաներ են»:

Մի փոքր լռությունից հետո ես նրան ասացի.

- Իսկ դու գիտե՞ս, որ քո «Աքրոստիքոս» բանաստեղծության գաղտնիքը բացվել է, և ժողովուրդն արդեն այդ մասին խոսում է: Երբ լսեցի, բացեցի գիրքդ և կարդացի. «Ով հայ ժողովուրդ, քո միակ փրկությունը քո հավաքական ուժի մեջ է»:

Չարենցը ցնցվեց.

- Ինչպե՞ս են այդ սրիկաները գլխի ընկել:

* * *

Մի երկու օրից մորից գնացի Չարենցի մոտ, բայց հանդիպեցի Իգաբելայի արտասովալից աչքերին:

- Չարենցին բանտարկեցին, Մարո՛ ջան, - ասաց Իգաբելան՝ բարձրաձայն արտասվելով:

- Վերջապես նա իր նպատակին հասավ, բանտարկվեց. միշտ այդ ուղղությամբ էր մտածում, - ասացի ես:

Այդ օրը ես տուն չգնացի, մնացի Իգաբելային մխիթարելու: